

2021-2022 оқу жылының тәрбие жұмысының нәтижелі қорытындысы
жайлы қысқаша мәлімет, ағымдағы жай – күйді талдау:

1. Жаңа Қазақстандық патриотизм және азаматтық тәрбие және құқықтық тәрбие;
2. Рухани-адамгершілік тәрбие;
3. Ұлттық тәрбие;
4. Отбасылық тәрбие;
5. Еңбек, экономикалық, экологиялық тәрбие;
6. Көпмәдениетті және көркем-эстетикалық тәрбие;
7. Зияткерлік тәрбие құндылығы;
8. Дене тәрбиесі, салауатты өмір салты.

Қазақстан Республикасы Білім және ғылым министрінің 2020 жылдың «6» сәуірдегі №130 бұйрығымен бекітілген құжатын басшылыққа ала отырып, 2020-2021 оқу жылының тәрбие жұмысының тақырыбы: «Қоғамда өзін-өзі анықтауға қабілетті, ақпараттық қауымдастыққа енуге дайын, күзиреттілігі тұрақты жан-жақты дамыған, рухани және дені сау, шығармашылық тұлғаны қалыптастыру» деп бекітілді.

«Мектеп оқушыларының құқық бұзушылық әрекеттері және оларға қарсы жасалатын қылмыстың және суицид ауыруының алдын алу жұмыстары туралы»

Бүгінгі таңда қоғамның алдында тұрған басты міндеттердің бірі – балалар мен жасөспірімдер арасындағы құқық бұзушылықтың алдын-алу, оларға қарсы жасалатын зорлық-зомбылықтың алдын алу, кәмелетке толмағандар арасындағы қылмыстың өсуіне жол бермеу. Суицидалды мінез-құлықты алдын алу жұмыстары алдын алу жұмыстары жүргізілді.

Тәртібі қиын бала есейген сайын қылмыстың ауыр түрлерін жасауға бейімі арта беретінін ескеріп алдын алу жұмыстары жүргізілді.

Жыл сайын қыркүйек айынан бастап оқушылар, жасөспірімдердің тәртібін қадағалайтын құқық қорғау органдарының одан қалсы мұғалімдердің (днд) жұмысы екі есе артады. Қазақстанда заң бойынша кәмелетке толмаған жасөспірімдерге түнгі сағат 22.00 –ден кейін компьютерлік клубта отыруға және 23.00-ден кейін көшеде ата-анасыз жүруге тыйым салынған.

Жасөспірімдердің арасында құқық бұзушылық әрекеттердің алдын алу мақсатында жылдық жоспар жасалып бекітілді. Жоспарға сәйкес тиянақты жұмыстар атқарылды. Атап айтсақ: 5-11 сынып оқушыларына «Мектеп, заң, жасөспірім», «Жалпы адамзаттың құқығы», «Топтық төбелестің зардаптары», «Қызға қырық үйден тиым» тақырыптарында оқушыларды аудандық ПООргандарының Мархабат Бегалиева бастаған полиция қызметкерлерімен және аудандық денсаулық сақтау сала мамандарымен кездесу өткізілді. Кездесу барысында түрлі видео челленждер көрсетіліп, қызу талқыланып, теріс әрекеттер туралы оқушыларға түсіндірілді. Мереке күндері оқушылардың түнгі жүріс-тұрысын ырықтау мақсатында мектептің ер мұғалімдерінен құралған «Ерікті жасақшылар» тобы түнгі рейд ұйымдастырды. «Тәрбие басы -

Отбасы» тақырыбында мектептің 5-11 сынып ата-аналар жиналысы өткізілді. Жиналысқа мектеп басшысы қатысып, ата-аналармен ашық сөйлесіп, өтініш пікірлерін тыңдады. Мектепте ланч-жыны бір жолға қойылған. Аптаның жұма күні жиын өткізіліп, онда күн тәртібінен түспейтін мәселелер оқушылардың сабаққа себепсіз келмеу, кешікпеу. Бұзақылық әрекеттер ұрлық жасау, түнгі беймезгіл уақытта ата-анасыз жүру сынды тақырыптар үнемі балаларға ескертіліп отырады. Сонымен қатар мектепте «Сәбира» атты қыздар ұйымы төрайымы А.Қуанышқызы, «Қайрат» ер балалар ұйымы төрағасы Н.Қаратабаев, «Жас сарбаз» патриоттық тәрбие беру ұйымдары жұмыс жасайды.

Қазіргі уақытта бүкіл қоғамға қауіп төндірген кейбербуллинг, адам бойына зиянды заттар Вейбл темекісі туралы оқушылар мен ата-аналарға сынып жетекшілері арқылы толықтай түсіндірілді. Жасөспірімдер арасында топтық төбелестердің алдын алу жұмыстары жүргізілді. «Жаңа ауыл», «Тигр», «Ақмешіт» крайларына қосылып, аталмыш крайдан шыға алмай жүрген оқушыларымыз анықталды. Олармен жеке жұмыс жүргізілді. Бірақ мектебіміз «Тигр» крайында орналасқандықтан мектеп жанына жасөспірімдер әліде топталып жиналуын тоқтатпай тұр.

Қазіргі таңда қолайсыз отбасында тәрбиеленіп жатқан балалар мектепшілік профилактикалық есепте тұрған оқушылар саны – 5-ке жетіп отыр. Ал аудандық есепте – 1 оқушы.

Өткен оқу тоқсандарында Қ.Р. Әкімшілік кодексінің бабтарын бұзып, сол әрекетімен ата-анасына сот арқылы айыппұл салынған оқушылар тіркелген жоқ. Бұл сынып жетекшілердің, тәрбие саласы мамандарының тарапынан үнемі бақылау жасалады.

2022 жылдың сәуір айында мектеп алды даярлық тобының 1 оқушысына аяқталмаған жыныстық қол сұғушылық әрекеті жасалды. Оқушы бақылауға алынып, күнделікті көңіл күйі назарға алынды. Баламен сынып жетекші, ата-ана, педагог –психологтар тарапынан жұмыстар жүргізілді.

Алдағы оқу жылында жоғарыда аталған жұмыстарды жүйелі жүргізе отырып, жасөспірімдер арасындағы құқық бұзушылықтардың алдын алу мен рухани-адамгершілік негізінде тәрбиелік шаралардың жаңа формалары мен әдістерін жетілдіру бағытында жұмыстар жүргізілетін болады.

№ 23 № орта мектеп директоры
Орынбасары  Р. Кемеләдинов